

Ad-daliad dŵr wyneb 2010 - 2011

EBRILL
2010



Dŵr Cymru
Welsh Water

www.dwrcymru.com

PAB0036

Cyflwyniad

Dŵr glaw sy'n syrthio ar eiddo, gan gynnwys blociau o fflatiau, neu ddŵr sy'n draenio i'r garthffos gyhoeddus o weithgareddau megis golchi'ch car yw dŵr wyneb. I'r rhan fwyaf o gwsmeriaid, mae'r glaw sy'n syrthio ar eu to - ac yn aml ar lwybrau a thramwyfeydd - yn draenio i garthffos gyhoeddus. Mae eich taliadau carthffosiaeth yn cynnwys y gost o waredu'r dŵr hwn.

Fodd bynnag, mae rhai mathau o eiddo lle nad yw'r dŵr wyneb yn draenio i'r garthffos gyhoeddus, er enghraifft, gall dŵr wyneb yr eiddo ddraenio i ffos gerrig, nant neu afon. Os credwch fod hyn yn berthnasol i'ch eiddo chi, gallech hawlio gostyngiad yn eich taliadau carthffosiaeth.

Bydd angen i chi gwblhau ffurflen gais a rhoi diagram, yn amlinellu'r trefniadau draenio yn eich eiddo, er mwyn i ni benderfynu a ydych yn gymwys i gael gostyngiad yn eich taliadau carthffosiaeth.

Os ydych yn denant yr Awdurdod Lleol/Cymdeithas Dai ac yn gwneud cais am ad-daliad draenio dŵr wyneb, dylech nodi'r canlynol:

- Parhewch i dalu eich taliadau i'r Awdurdod Lleol/Cymdeithas Dai tra bod eich cais yn cael ei brosesu
- Peidiwch â mynd â'r ffurflen gais hon i'r Awdurdod Lleol/Cymdeithas Dai a gofyn iddynt gwblhau'r diagram. Mae'n rhaid i'r unigolyn sy'n gwneud cais am yr ad-daliad wneud hyn. Os bydd angen help arnoch i gwblhau'r cais, ffoniwch ni ar 0800 052 0145.

A ydych yn gymwys am ad-daliad?

Mae angen i chi brofi i ni nad oes dŵr wyneb o unrhyw ran o'ch eiddo yn draenio i'r garthffos gyhoeddus. Er enghraifft, efallai eich bod yn byw ar ystad dai sydd â charthffosydd preifat (heb eu mabwysiadu) a all uno carthffos gyhoeddus â'r gweithfeydd trin neu'r cwrs dŵr. Os bydd unrhyw ddŵr wyneb o'ch eiddo yn draenio i garthffos gyhoeddus, bydd yn rhaid i chi barhau i dalu'r taliadau carthffosiaeth llawn. Mae cwsmeriaid sy'n talu eu taliadau carthffosiaeth i Dŵr Cymru a'u taliadau dŵr i gwmni arall hefyd yn gymwys i wneud cais. O ran cwsmeriaid sy'n byw mewn eiddo y codir tâl amdanynt o dan gytundeb bilio cyffredin, mae'n rhaid sicrhau nad oes dim dŵr wyneb yn gollwng o unrhyw eiddo a gaiff ei filio o dan y cytundeb er mwyn i'r ad-daliad fod yn gymwys. Mewn achos o'r fath, mae un ad-daliad yn cwmpasu pob eiddo a gaiff ei filio o dan y cytundeb bilio cyffredin.

Noder **NAD YW'R** cwsmeriaid hynny a gaiff eu bilio ar ein tariff Cymorth Dŵr Cymru yn gymwys i gael ad-daliad dŵr wyneb.

Beth os nad yw fy eiddo wedi'i gysylltu â'r garthffos gyhoeddus?

Os nad yw eich eiddo wedi'i gysylltu â'r garthffos gyhoeddus a bod eich dŵr gwastraff yn draenio i garthbwell, tanc carthion neu system ddraenio breifat a bod dŵr wyneb yn draenio i ffos gerrig neu rywbeth tebyg, ni ddylid codi tâl arnoch am wasanaethau carthffosiaeth. Os codir tâl arnoch, ffoniwch ni ar **0800 052 0145**.

Sut ydych yn gwneud cais?

1. Bydd angen i chi wneud diagram syml o ble mae dŵr wyneb o'ch eiddo yn llifo. Dylai'r diagram gynnwys:
 - ffyrdd, llwybrau troed ac eiddo cyfagos
 - ffin eich eiddo
 - eich trefniadau ar gyfer draenio dŵr wyneb, gan gynnwys i ble mae'r pibellau dŵr yn mynd. Rhoddir enghraifft drosodd.
2. Cwblhewch y ffurflen hawlio drosodd a'i hanfon i'r cyfeiriad a nodir gyda'r diagram wedi'i gwblhau.

3. Parhewch i dalu eich bil fel arfer tra bod eich hawliad yn cael ei brosesu.

Faint fydd y gostyngiad?

Gall cwsmeriaid a all ddangos nad oes unrhyw ddŵr o'u dŵr ffo wyneb yn draenio i'r garthffos gyhoeddus, hawlio eithriad rhag talu elfen dŵr wyneb y taliad carthffosiaeth. Yn gyffredinol, bydd unrhyw eithriad yn gymwys o 1af Ebrill yn y flwyddyn y gwneir yr hawliad. Bydd cwsmeriaid preswyl sy'n talu taliadau anfesuredig yn cael gostyngiad o **£43.00** ar eu bil carthffosiaeth. Bydd cwsmeriaid preswyl â mesurydd yn talu'r gyfradd gyfeintiol ostyngol o **£1.1996** fesul metr ciwbig (**£1.5210** yw'r gyfradd gan gynnwys dŵr wyneb). Bydd cwsmeriaid dibreswyl â mesurydd sydd wedi dewis y tariff diwydiannol yn talu'r gyfradd gyfeintiol ostyngol o **£1.1339** fesul metr ciwbig (**£1.4377** yw'r gyfradd gan gynnwys dŵr wyneb).

Hawliad ar gyfer gostyngiad mewn taliadau carthffosiaeth lle nad oes unrhyw ddŵr wyneb yn draenio i'r garthffos gyhoeddus.

Rhif Cyfeirnod y Cwsmer: _____
(mae'r rhif hwn i'w weld ar eich bil. Os ydych yn denant yr Awdurdod Lleol/Cymdeithas Dai, gadewch hwn yn wag)

Enw'r cwsmer: _____

Cyfeiriad yr eiddo yr ydych yn gwneud cais mewn perthynas ag ef: _____
_____ Cod Post _____

Y cyfeiriad y dylem ysgrifennu atoch: (os yw'n wahanol i'r uchod) _____

1. Ardystiaf y canlynol:

A: Ni chredaf fod unrhyw ddŵr wyneb o'r eiddo uchod yn draenio i'r garthffos gyhoeddus

B: Caiff dŵr wyneb ei waredu drwy'r ffordd a nodir ar y cynllun

Cafodd y diagram atodedig ei baratoi yn unol â chyfarwyddiadau Dŵr Cymru.

2. Cytunaf i ganiatáu i gynrychiolydd awdurdodedig o Dŵr Cymru fynd i mewn i'r eiddo uchod ar unrhyw amser rhesymol i ddilysu'r trefniadau draenio

3. Ymgymeraf i hysbysu Dŵr Cymru ar unwaith o unrhyw newidiadau i'r wybodaeth a roddais.

Llofnod: _____ Dyddiad: _____
(yr unigolyn sy'n gyfrifol am dalu'r taliadau carthffosiaeth ar gyfer yr eiddo uchod)

Rhif ffôn cyswllt: _____

Anfonwch y ffurflen gais hon gyda'ch cynllun i:

Dŵr Cymru

Blwch Swyddfa'r Post 690

Caerdydd

CF3 5WL

Os byddwch yn cael unrhyw anawsterau wrth gwblhau'r ffurflen hon, ffoniwch ni ar **0800 052 0145** a bydd un o'n cynghorwyr yn gallu eich helpu.

Mae'n rhaid i chi gwblhau a dychwelyd y ffurflen hon a'r diagram sy'n amlinellu'r trefniadau draenio yn eich eiddo, er mwyn i ni benderfynu a oes gennych hawl i gael gostyngiad yn eich taliadau carthffosiaeth.

